

Powšitkowne WOZJEWJENJA

njedźelu, 2. junija 2019

Serbej spožči so měšniska swjećizna

Biskop Heinrich Timmerevers wudžěli sobotu, 8. junija, w 10 hodž. na Božej mši w Drježdžanskej katedrali z Kulowa pochadźecemu diakonej Pětrej Mrózej měšnisku swjećiznu. Wšitcy wěriwi su na tutu Božu mšu přeprošeni a měli so za njeho kaž tež powšitkownje wo duchowny dorost modlić. Swoju primicu změje nowoměšnik swjatkowničku, 9. junija, w 9 hodž. w Kulowskej cyrkwi.

Kwatemberske kemše za młodžinu

Dekanatne dušepastyrstwo za młodžinu přeprošuje wšitkich młodostnych na kwatemberske kemše, kotrež budu srjedu, 5. junija, w 19.00 hodž. w Němcach. Wječor steji pod hesłom „Přihot na měšnisku swjećiznu“. Přednošk změje farar Gabriš Nawka.

Zakónčenje projekta „Swětło pozbudža“

We wobłuku wuměłstwoweho projekta „Swětło pozbudža“ su zajimcy srjedu, 5. junija, w 19.30 hodž. do Budyskeho Měšćanskeho muzeja na rozmołwny wječor přeprošeni. Zawodne słowa pod temu „Wuměłstwo a wěra“ změjetej wumělc Ludger Hinse a jezuitski pater Georg Maria Roers z Berlina.

Štwórtk, 6. junija, budu dopołdnja wot 9.30 hodž. do 11.30 hodž. a popołdnu wot 15.00 hodž. do 17.30 hodž. wodženja z Ludgerom Hinsu. Tute zahaja so stajnje w tachantskej cyrkwi. Zajimcy měli so na tachantskej farje pod telefonowym čisłom (0 35 91) 3 11 80 přizjewić.

Kantata Johanna Sebastiana Bacha „O ewiges Feuer, o Ursprung der Liebe“ zaklinči sobotu, 8. junija, w 17.15 hodž. na hudźbnym nyšporje w tachantskej cyrkwi. Twórbu zanjese ewangelski tachantski chór ze solistami a hudźbnikami na historiskich instrumentach. Cyłkowny nawod změje Michael Vetter.

K zakónčenju projekta „Swětło pozbudža“ swjatkowničku, 9. junija, we 18 hodž. su wšitcy na ekumenisku Božu službu do tachantskeje cyrkwe přeprošeni. Předować budže Ludger Hinse. Cyrkwinskaj hudźbnaj direktoraj Friedemann Böhme a Michael Vetter zahrajetej na piščelach.

Ministrantska kopańca

Dekanatne dušepastyrstwo přeprošuje ministrantow ze serbskich wosadow na koparski turněr. Tutón wotměje so wutoru, 22. junija, w Pěskecach. Započatk budže w 9.00 hodž. z Božej mšu we wjesnej kapałce. Mustwa měli so hač do pónđzele, 17. junija, pod worklecy-kise@gmx.de abo pod telefonowym čisłom (03 57 96) 88 707 přizjewić. Hraje so małym polu we wobsadce 7:1. Małe mustwo tworja ministranća 3. do 6. lětnika, wulke mustwo či ze 6. do 8. lětnika.

Džěłarnička k projektej „Lawski areal“

Załožba za serbski lud přeprošuje wšitkich zajimcow na zjawnu idejowu džěłarničku k projektej „Lawski areal“ a rumnostnym kapacitam w Serbskim domje, kotraž wotměje so pjatk, 7. junija, wot 18.00 do 20.30 hodž. na žurli Serbskeho domu w Budyšinje. Wjace informacijow je na internetowych stronach www.stiftung.sorben.com podaty.

Přednošk k 300. kwasnemu dnjej Friedricha Augusta II. a Marije Josephy

W rjedže „Stawizny a stawiznički wokoło katolskeje Dwórskeje cyrkwy“ zaběra so Christoph Pöttsch tutu njedźelu, 2. junija, w 14 hodź. z wusahowacym historiskim podawkom w Drježdžanach. Před 300 lěty zmandźeli so Friedrich August II., syn Augusta Sylneho, z dźowku Wienskeho kejžora Mariju Josephu. Wo hudźbne wobrubjenje přednoška postara so profesor Thomas Lennartz, kotryž zahraje na Silbermannowych piščelach.

„Mjenje stresa – wjace wjesela“

W Domje biskopa Bena w Smochćicach ma so w druhim tydženju lětnich prózdnin wot póndže do soboty, 13. do 20. julija, swójbny tydžeń pod temu „Mjenje stresa – wjace wjesela“ wotměć. Staršim z dźěćimi wot třoch lět poskića tam móžnosć, zo dóstanu we wšelakich seminarach nastorki za wšědny dzeń w swójbje. Při tym póndže wo respektny kubłanski stil, wo wid na potřebnosće dźěći a młodostnych kaž tež wo to, na kotre wašnje móža starši na mylace wašnja zadźerženja wotpowědnje reagować. W času seminarow za staršich změja dźěći swójsku zaběru. Kubłanske dny wobsahuja tohorunja pisany wólnočasny program. Nadrobne informacije zhonja zajimcy w Smochćicach pod telefonowym čisłom (03 59 35) 2 23 17.